



5. Radunanza cumünela dals 29.8.2018 a las 20.00 in sela polivalenta S-chanf

Presidi: Gian Fadri Largiadèr

Actuar: Gian Luca Vitalini

Preschaints: Preschaints sun 32 votantas e votants

Büro electorel: Steivan Luzi / Luzi Parli

Tractandas:

1. Protocol da la radunanza cumünela dals 20 gün 2018
2. Revisa parziela da la constituziun cumünela – art. 59 bis
3. Orientaziun – ledscha davart l'organisaziun e l'administraziun da l'ouvra electrica cumünela (ledscha OE)
4. Revisa da la ledscha da sunteri e da funarels
5. Varia

Aunz cha la glista da tractandas vain approveda do il president inavaunt il pled a Roman Parli, chi legia avaunt la charta in connex cun l'iniziativa dal vicepresidente Paolo Bernasconi, chi nu ho pudieu piglier part quista saira a la radunanza cumünela causa üna scoulaziun da perfecziunamaint. Paolo Bernasconi as s-chüsa a se e metta in vista da tractander l'iniziativa e da spiegher in detagl a la prosma radunanza cumünela ils 24 october 2018.

Zieva animeda discussiun regard l'iniziativa manzuneda vain la glista da tractandas approveda.

Protocol: Il protocol da la radunanza cumünela dals 20 gün 2018 vegn approvu.

17 0.110 Legislativa Revisa parziela da la constituziun cumünela – art 59. bis

A la votaziun a l'urna dals 04 marz 2018 haun las votantas e'ls votants aderieu il concept da forz'electrica 2020 e l'acceptaziun da la rait d'avent dals 01. october 2020 cun üna quota da vuscher d' 84%.

Per pudair fer pü svelt pussibel las lavuors preparatoricas per üna fundaziun da l'OE, ho la suprastanza cumünela nomino üna grupp da lavur. Ils commembers da quista grupp da lavur Curdin Barblan (presidi), Liun Quadri e Gianni Largiadèr haun insembel cul giurist

Fabrizio Visinoni e cul electroind. Arthur Brüniger evaluo diversas fuormas giuridicas per üna fundaziun da l'OE S-chanf e propuonan da mner l'OE scu intrapraisa publica dependenta. La suprastanza cumünela sustegna quista proposta da la grupp da lavur. Per avoir üna basa leghela es da piglier sü ün nouv artichel (art. 59 bis) illa constituziun cumünela. La revaisa da la constituziun suottasto a la votaziun a l'urna (constituziun art. 31)

4. Gestions cumünelas cun administraziun separeda

Art. 59 bis

Noziun ed administraziun

¹*La vschinauncha maina las seguintas gestions publicas dependentas:*

1. *L'ouvra electrica*

²*L'organisaziun e las cumpetenzas finanzielas da las instituziuns respectivas resultan da las ledschas correspondentas*

Proposta:

La suprastanza cumünela propuona a la radunanza cumünela d'approver la revaisa parziela, art. 59 bis, in occasiun da la votaziun a l'urna dals 23 settember 2018.

Decisiun:

Zieva animeda discussiun e diversas dumandas our dal ravuogl regard il nouv artichel da la constituziun cumünela, e las spiegaziuns competentas dals duos specialists sar Fabrizio Visinoni e sar Arthur Brüniger, approvescha la radunanza cumünela unanimamaing la tractanda e suottametta la revaisa parziela da la constituziun a la votaziun a l'urna ils 23 settember 2018.

18 0.110 Legislativa Orientaziun – ledscha davart l'organisaziun e l'administraziun da l'ouvra electrica cumünela (ledscha OE)

La grupp da lavur incumbenza ho elavuro ün sböz da ledscha a maun da la suprastanza cumünela. Per la radunanza cumünela dals 24 october 2018 es previs da tractander e da decider sur da la ledscha da l'OE.

La radunanza cumünela piglia cugnuschentscha da la ledscha davart l'organisaziun e l'administraziun da l'ouvra electrica cumünela (OE S-chanf). I vegnan fattas diversas dumandas our dal ravuogl ed i vegn rendieu attent d'ün votant, chi nu's dess be piglier sü artichels illa constituziun cumünela per avoir fat artichels, scha la radunanza cumünela nu ho üngüna cugnuschentscha dal cuntgnieu da la ledscha chi aintra zieva in vigur. La suprastanza cumünela ho piglio sü quist votum. Sar Fabrizio Visinoni, sar Arthur Brüniger el president da la grupp da lavur sar Curdin Barblan daun repostas competentas sün tuot las dumandas.

19 0.122 Cumischiuns Revaisa da la ledscha da sunteri e da funarels

La cumischiun „revaisa da la constituziun, da las ledschas ed dals uordens da la vschinauncha da S-chanf“ ho elavuro üna revaisa totela da la ledscha da sunteri e da funarels. La cumischiun suottametta cotres üna revaisa cun adattamaints redacziunels e pitschens müdamaints.

Proposta:

La cumischiun propuona d'approver la revaisa da la ledscha da sunteri e da funarels. La suprastanza cumünela sustegna quista proposta unanim.

Decisiun:

Zieva las spiegaziuns da divers müdamaints redacziunels dal president dal la cumischiun per revaisas da tschantamaints, ledschas ed uordens da la vschinauncha da S-chanf, approvescha la radunanza cumünela la revaisa da la ledscha da sunteri e da funarels sainza cuntravuschs. Reguard las plazzas strettas da las urnas i'l sunteri da Cinuos-chel vegn giavüscho our dal ravuogl da der dapü piazza traunter las urnas. Eir vegn manzuno ils vstias dals lavuraints cumünels e giavüscho vstias pü adattedas.

20 9.999 Varia

Il president s'ingrazcha fich a tuot ils voluntaris chi haun güdo ed als cunfinants chi haun do a dispuiziun lur terrain per pudair realiser il Nationalpark Bike-Marathon da quist an.

Impü spiega ils president cuort sur dal princip public e chi vegn infurmo sur quist tema a la prosma radunanza cumünela pü a fuonz.

Eir in connex culla rait da fibra spiega il president cuort la situaziun actuela.

Il president infurmescha cha la regenza dal chantun Grischun ho approvo la planisaziun locela – Bos-chetta Plauna.

Sülla dumanda cha sar Duri Campell vaiva fat al cumanzamaint da quista radunanza cumünela in connex culla examinaziun da las indemnizaziuns dals presidents „perche cha quista fatschenda nu saja già gnieu trattada da quella vouta da la cumischiun da gestiun düraunt sieu temp d'uffizi“, piglia sar Daniel Platzer commember da la cumischiun da gestiun pusiziun e explica a sar Duri Campell, chi nu saja la cuolpa da la cumischiun da gestiun, sch'el nun es bun dad interpreter la ledscha ch'el vaiva da sieu temp svesse suottascrit.

Il president serra la radunanza a las 21.45 ed ingrazcha a tuot ils preschaints per lur cumparsa.

In buna fè

Il president:

L'actuar:

G. Largiadèr

G. L. Vitalini